

Romæ 2. Octobr. 1683.



Advenit Secretarius Regis Poloniæ cum primario primi Vezirij Standardo utpote magnanimitatis Regis illius tessera, illudq; Pontifici, Regis sui nomine, obtulit: Est illud eximie magnitudinis viridisq; coloris, cui arabicis literis subsequencia, jussu Pontificis in Latinum versa, inscripta erant.

*Ex una parte.*

Auguramur tibi (Vezirio) felicem prosperumq; successum, & ut Deus remittat tibi peccata, sanctamq; suam tibi gratiam concedat.

*Ex altera parte.*

Deus tibi auxilium porrigat, & victoriam tribuat, qui in cordibus fidelium vult habitare, ut ita propagetur puritas & sinceritas fidei suæ.

*Circumcirca in margine ab utraq; parte.*

Non est Deus, præter Deum & Mahometes Propheeta Dei.

Et Standardum illud, quod solet dare Turcarum, Imperator Primo Vezirio, quotiescunq; ad magnam expeditionem proficiscitur. Hinc in Capellâ Pontificiâ sub Missa post offertorium in terram dejectum atq; à Pontifice calcatum, consecratum est, & ad perpetuam Dei memoriam ad Sanctum Petrum affigetur. Ceterum continuantur in omnibus gratiarum actiones pro tanto Dei beneficio, & præterlapso die Martis cantata est in omnibus Ecclesijs Missa defunctorum pro animabus militum, qui tam in, quàm extra Civitatem Viennensem occubuerunt.